

Maxfaexcuk Doxgaex Bouxcuengh:

Youq Ndaw Doxdax Yienj Dungxcaiz Mbeilaux

壮族斗竹马：独特的斗智斗勇竞技活动

□ Dangz Siu



▲ Song boux humx
hoenx boux ndeu.

▲ Laengz roen mbouj hawj
buet deuz.

◀Caez ndwn gwnz“max” byaij bae ciengzdieg.



▲ Hoenx gaex ndaej mbouj
faen sawhingz.



▲ Camca byaij baij yiengh doxndei.



▲ Hwnj “max” bwh hoenx.



▲ Gyonglaz loxlez gyukgyad
coenghrehngz.



▲ Baez mbouj siujsim
deng gaex dingjai.



▲ Hoenx gaex ndaej haenqhwd.



▲ Mbangj mbat song mbiengj
cungj deng gaex doek roengzdaeuj.

daihsam swcigih gaep feih vuzciz
vwnzva yizcanj mingzloeg.

Maxfaexcuk doxgaex Bouxcuengh, couh dwg ndwn youq gwnz “max” au faexcuk guh baenz haenx doxdax, miz gij eiqsei beij dungxcaiz beij mbeilaux beij lingzgiuj de, youq ranghdieg Namzningz Si Cinghsiu Gih Cangzdangz Cin nem Yunghningz、Liengzging daengj riuzcienz. Riuз naeuz, Cuihmingz satbyai Cuihcingh ndujdaeuz, bang bing Cuihmingz deng hoenxbaih ndeu deuzriq daengz rangh Cangzdangz ciengj doxgaij gaj beksingq, miz boux vunzmbanj heuhguh Lij Valungz ndeu heuhcomz vunz rengzak seiqhenz mbanj daeuj lienh hoenxcienq, au faexcuk soek soem guh mid, youq rangh Ndoisamvuengz Cangzdangz dingjhoenx bang bingbaih neix. Daihlaeng vih geiqniemh Lij Valungz, couh ciuqei gij yiengh Lij Valungz au faexcuk daeuj lienh bing haenx guh baenz maxfaexcuk, doenggvaq gij hozdung maxfaexcuk doxgaex daeuj geiqniemh boux vunzmbwk neix, doeklaeng couh menhmenh bienq baenz dangdieg caeuq doengh dieg seiqhenz cungj hozdung doxdax diyyuz ndawbiengz Bouxcuengh yiengh vunzlai saimbwk lauxnyaec cungj camgya ndeu, moix bi liggaueq ndwenseiq cobet roxnaeuz ngoenzciet hung hoengh banh. Maxfaexcuk doxgaex vunzsoq camgya doxdax mbouj hanh, moix ciengz doxdax faen

doihnding doihhenj song doih doxdoi q ndwn youq song mbiengj, moix boux vunz gwnz faexcuk cungj baek mbaw geiz ndeu. Bouxbuenq baez vad geiz, song doih vunz couh dieb hwnj gwnz “max”, camca dwk hopngomx diegciengz byaij song hop, baij yiengh doxndei; bouxbuenq caij vad geiz le, “doxhoenx” couh hainduj lo. Aenvih bouxdoxgaex dwg ndwn youq gwnz maxfaexcuk, song fwngz gaem ganj faexcuk ndaetndi, caenh baengh gencueg roxnaeuz bangxmbaq、caekhaex daengj dieg ndang bae gaex doiqfueng, caen yienj gij dungxcaiz caeuq mbeilaux lingzgiuj bouxvunz bw. Youq ndaw sing gyonglaz gyukgyad coenghrehngz ndawde, caenhraen song mbiengj bingmax siujsim yukyuk dwk depgyawj doiqfueng, itmienh bau ndang bingzonj, itmienh ra seizgei bae gaex, muengh dawz vunz doiqfueng gaex roengz “max” bae, itcig gaex daengz doiqfueng mbouj miz vunz ndwn gwnz maxfaexcuk le cij ndaej hingz.

Maxfaexcuk doxgaex Bouxcuengh doxdax seiz doi q ciengzdieg iugouz mbouj sang, caenh ra dieg gvangq youh bingz ndeu couh ndaej doxdax. Maxfaexcuk raezdin j iqhung cix mbouj dingh gvigek, itbuen yawj bouxvunz gisuz sugseng cingzdoh roxnaeuz dinfwngz lingzgiuj bae dingh; youq gyauejgoek giz sam seiqcib lizmij haenx sebbaek gaij diebdin ndeu, vunz “gwi h max” song din dieb gwnz diebdin, song fwngz gaemh “max” byaij, lumj caij maxfaex nei. Maxfaexcuk doxgaex Bouxcuengh doxdax seiz, ngoenzde caemh banh miz cuengq daengdah、foux lungzronggyoij、gvaq hoihmiuh、doi q fwen、yienj heiigoengsae、diuq fouxnyaebcaz daengj vwnzyiz hozdung, mbaenjgouz daengx mbanj ndaw bi rumz dingh fwn yinz, gohaeux fungsou dajciengx ndaej baenz, bingzan vuenyungz, ciengzmienh hoenghhwd nauhyied.



▲ Deqcaj bouxbuenq
vadgeiz couh hoenx.